

कुलुस्सियामान

१ पौलुस जे परमेश्वर केर ईच्छानुसार यीशु मसीह केर प्रेरित हेके उकार, तथा हमार भाई तिमथियुस केर ओर से।

२ मसीह में स्थित कुलुस्सि में रहेक वाला विश्वासी भाईमान आउर सन्तमान केर नाम में:

हमार परम पिता परमेश्वर केर ओर से तोहरे के अनुग्रह आउर शांति मिलोक।

३ जेखान हमरे तोहरे केर लागिन प्रार्थना करिला, सोभे समये अपन प्रभु यीशु मसीह केर परम पिता परमेश्वर के धन्यवाद देवीला। ४ काहेकि हमरे मसीह यीशु में तोहरे के विश्वास तथा सोभे संत मान केर प्रति तोहरे केर प्रेम केर बारे में सुईनी। ५ ईठु उ आशारा केर कारण होएहे जे तोहरे केर लागिन सोरग में सुरक्षित आहे आउर जेकार विषय में तोहरे पहिलेहे सच्चा संदेश अर्थात् सुसमाचार केर द्वारा सुईन चुईका। ६ सुसमाचार समूचा संसार में सफलता पावाथे। ईसोउब वैसानेहे सफल होवाथे जैसान तोहरे केर बीच ईसोउब उ समय से हे सफल होवात राहे जेखान तोहरे परमेश्वर केर अनुग्रह केर बारे में सुईन रहा आउर सचमुच उके समईझ रहा। ७ हमार प्रिय साथी दास ईपफ्रास से, जे हमार लागिन मसीह केर विश्वासी सेवक हेके, तोहरे सुसमाचार केर शिक्षा पाए रहा। ८ आतमा केर द्वारा उत्तेजित तोहरे केर प्रेम केर विषय में उ भी हमरे के बताहे।

९ ईकार लागिन जे दिन से हमरे ईकार बारे में सुनलि, हमरे भी तोहरे केर लागिन प्रार्थना करेक आउर विनती करेक नी छोईडी:

प्रभु केर ज्ञान सोउब प्रकार केर समझ-बूझ जे आतमा देवेला, तोहरे के प्राप्त होक। आउर तोहरे बुद्धि भी प्राप्त करा, १० ताकि वैसानेहे जीएक सकबा, जैसान प्रभु केर साझा आहे। हर प्रकार से तोहरे प्रभु के सोभे समय खुश करा। तोहरे सोउब सु काम से सतत सफलता पावा, तोहरे केर जीवन से आच्छा काम केर फल लगोक तोहरे प्रभु परमेश्वर केर ज्ञान में निरन्तर बढ़ते रहा। ११ उ तोहरे के अपन महिमापूर्ण शक्ति से सुदृढ़ बनाते जाओक ताकि विपत्ति केर काल में खुशी से महा धिराज से तोहरे सोउब के आपनाए लेवा।

१२ उ परम पिता केर धन्यवाद करा, जेहार तोहरे के ई योग्य बनाहे कि परमेश्वर केर उ पवित्र आदमीमान केर सागें जे इंजोत में जीवन जीएना, तोहरे उत्तराधिकार पावेक में सहभागी बईन सका। १३ परमेश्वर अन्धकार केर शक्ति से हमार उद्धार कईरहे आउर अपन प्रिय बेटा केर राईज में हमारे के प्रवेश करुवाहे। १४ उ बेटा केर द्वाराए हमरे के छुटकारा मिले यानी हमरे के मिले हमार पापमान केर क्षमा।

मसीह केर दर्शन में, परमेश्वर केर दर्शन

१५ उ अदृश्य परमेश्वर केर दृश्य रूप हेके।

उ सारा सृष्टि केर सिर हेके।

१६ काहेकि जे कुछ सोरग में आहे आउर धरती में आहे, उकरे शक्ति से उत्पन्न होहे।

कोनो भी चाहे दृश्यमान होक आउर चाहे

अदृश्य, चाहे सिंहासन होक चाहे राईज, चाहे

कोनो शासक होक आउर चाहे अधिकारी,

सोउब कुछ उकरे द्वारा रचाल जाहे आउर उकरे लागिन रचाल आहे।

१७ सोउबसे पहिले उकरे अस्तित्व रहे,

उकरे शक्ति से सोउब वस्तुमान बनते रहेला।

१८ ई देह, अर्थात् कलीसिया केर सिर ओहे हेके।

उ आदि रहे आउर मोरालमान के

फिर से जी उठाएक केर सर्वोच्च अधिकारी भी ओहे हेके ताकि

हर बात में पहिला स्थान उखे मिलोक।

१९ काहेकि अपन समग्रता केर सागें परमेश्वर उकरे में वास करेक खोजलक।

२० उकरे द्वारा समूचा ब्रह्माण्ड के परमेश्वर अपने से पुनः संयुक्त करेक खोजलक उ सोभे कोई के जेमान धरती केर हेकाँए आउर सोरग केर हेकाँए।

उकरे लहू केर द्वारा परमेश्वर मिलाप करुवालक जेके मसीह क्रूस में बहाय रहे।

११एक समय रहे जेखान तोहरे अपन विचारमान आउर बुरा काममान केर कारण परमेश्वर केर लागिन अनजाना आउर उकार विरोधी रहा। १२किन्तु जेखान मसीह अपन भौतिक देह में राहे, सेखान मसीह केर मृत्यु केर द्वारा परमेश्वर तोहरे के निजे अपन से लेई लेलाक, ताकि तोहरे के अपन सम्मुख पवित्र, निश्कलंक आउर निर्दोष बनाए के प्रस्तुत कराल जाओक। १३ईसोउब तभी होए सकेला जेखान तोहरे अपन विश्वास में स्थिरता केर साथ अटल बईन रहबा आउर सुसमाचार केर द्वारा देवाल उ आशारा के परित्याग नी करबा, जेके तोहरे सुईना। ई आकाश केर नीचे हर कोनो प्राणी के उकार उपदेश देवाल जाहे, आउर मॉय पौलुस उकरे सेवक बईनों।

कलीसिया केर लाई पौलुस केर काम

१४एखान देखा, मॉय तोहरे केर लागिन जे कष्ट उठाथों, उकार में आनन्द केर अनुभव करोना आउर मसीह केर देह, अर्थात् कलीसिया केर लागिन मसीह केर यातनामान में जे कुछ कमी रई जाए रहे, उसोउब के अपन शरीर में पूरा कराथों। १५परमेश्वर तोहरे केर लाभ केर लागिन मोके जे आदेश देई रहे, उकरे अनुसार मॉय उकार एकझन सेवक ठहराल जाहों। ताकि मॉय परमेश्वर केर समाचार के भाल से प्रचार करबों। १६ई संदेश रहस्यपूर्ण सच हेके। जे आदिकाल से सौब कर आईख से छिपाल रहे। किन्तु एखान ईके परमेश्वर केर द्वारा पवित्र आदमीमान में प्रकट कईर देवाल जाहे। १७परमेश्वर अपन पवित्र आदमीमान के ईके प्रकट कईर देवेक खोजात रहे कि उ रहस्यपूर्ण सच्चाई कितना वैभवपूर्ण आहे। उकार ठिन ईसोउब रहस्यपूर्ण सच्चाई सौब कर लागिन आहे। आउर उ रहस्यपूर्ण सच्चाई येहे हेके कि मसीह तोहरे केर भीतरेहे रहेला आउर परमेश्वर केर महिमा प्राप्त करेक केर लागिन ओहे हमार एक मात्र आशारा हेके। १८हमरे के जे ज्ञान प्राप्त होहे उ समूचा केर उपयोग करते करते हमरे हर झन के निर्देश आउर शिक्षा प्रदान करेला ताकि हमरे उके मसीह में एक परिपूर्ण व्यक्ति बनाएके परमेश्वर केर आगे उपस्थित करेक पारबोई। व्यक्ति के उकरे शिक्षा देवेला तथा अपन समस्त बुद्धि से हर व्यक्ति के उकरे शिक्षा देवेला ताकि हरएक झन व्यक्ति के मसीह में परिपूर्ण बनाए के परमेश्वर केर आगे उपस्थित कराएक सकी। १९मॉय ई प्रयोजन से मसीह केर उ शक्ति से जे मोर में शक्तिपूर्वक काम कराथे, संघर्ष करते करते कठोर परिश्रम कराथों।

२ मॉय खोजाथों कि तोहरे के ई बात केर पता चईल जाओक कि मॉय तोहरे केर लागिन, लौदीकिया केर रहेक बालामान केर लागिन आउर उ सोउब केर लागिन जे निजी तौर में मोके केखनों नी मिलाए, कितना कठोर परिश्रम कराथों ३ताकि उमान केर मन के प्रोत्साहन मिलोक आउर उमान परस्पर प्रेम में बँधाए जाओक। तथा विश्वास केर उ सम्पूर्ण धन जे सच्चाई ज्ञान से प्राप्त होवेला, उमान के मिल जाओक तथा परमेश्वर केर रहस्यपूर्ण सच्चाई उमान के प्राप्त होक उ रहस्यपूर्ण सच्चाई निजे मसीह हेके। ३जेकार में विवेक आउर ज्ञान केर सारा निधी छिपाल आहे।

४ऐसान मॉय ईकार लागिन कहाथों कि केहो तोहरे के मीठा मीठा तर्कपूर्ण युक्तिमान से धोखा न देओक। ५यद्यपि दैहिक रूप से मॉय तोहरे में नैखों फिर भी आध्यात्मिक रूप से मॉय तोहरे केर भीतरे आहों। मॉय तोहरे केर जीवन केर अनुशासन आउर मसीह में तोहरे केर विश्वास केर दृढ़ता के देखे के खुश आहों।

मसीह में बनाल रहा

६सेहे लागिन तोहरे जैसान यीशु के मसीह आउर प्रभु केर रूप में ग्रहण कईरा, तोहरे उकार में वेसानेहे बईन रहा। ७तोहरे केर नीव उकरे में होक आउर तोहरे केर निर्माण उकरे ऊपरे होक तथा तोहरे अपन विश्वास में दृढ़ता पाते रहा जैसान कि तोहरे के सिखाल जाहे। परमेश्वर केर प्रति अत्यधिक आभारी बना।

८ध्यान रखा कि तोहरे अपन उसोउब भौतिक विचारमान आउर खोखला प्रपंच से केहो धोखा न देओक जेसोउब मानवीय परम्परा से प्राप्त होवेला, जेसोउब ब्रह्माण्ड के अनुशासित करेक वाला आतमामान केर देन हेके, न कि मसीह केर। ९काहेकि परमेश्वर अपन सम्पूर्णता केर साथ सदैव उकरे में निवास करेला। १०आउर उकरे में स्थित होएके तोहरे परिपूर्ण बईनहा। उ हर शासक आउर अधिकारी केर शिरोमणि हेके।

११तोहरे केर खतना भी उकरे में होहे। ई खतना मनुष्य केर हाथमान से सम्पन्न नी होहे, लेकिन ई खतना जेखान तोहरे के तोहरे केर पापपूर्ण मानव प्रकृति केर प्रभाव से छुटकारा दिलाए देवाल जाए रहे सेखाने मसीह केर द्वारा सम्पन्न होलाक। १२ई ईकार लागिन होलाक कि जेखान तोहरे के बपतिस्मा में उकार सागें गाईड देवाल गेलाक होले जे परमेश्वर उके मोरालमान केर बीच से जिलाए देई रहे, उ परमेश्वर केर काम में तोहरे केर विश्वास केर कारण, उकरे सागें तोहरे के भी पुनःजीवित कईर देवाल गेलाक।

१३अपन पापमान आउर अपन खतना रहित शरीर के कारण तोहरे मोईर जाए रहा किन्तु तोहरे के परमेश्वर मसीह केर सागों-सागों जीवन प्रदान करलक तथा हमार सोउब पापमान के मुक्त रूप से क्षमा कईर देलाक। १४परमेश्वर उ अभिलेख के हमार बीच में से हटाए देलाक जेकार में उसोउब विधिमान केर उल्लेख कराल जाए रहे जे हमार प्रतिकूल आउर हमार विरुद्ध रहे। उ उसोउब के कीलामान से क्रूस में जड़ईके मिटाए देलाक। १५परमेश्वर क्रूस के द्वारा आध्यात्मिक शासकमान आउर अधिकारिमान के साधन विहीन कईर देलाक आउर अपन विजय अभियान में बंदिमान केर रूप में अपन पीछे-पीछे चलालक।

मनुष्य केर शिक्षा आउर उकार बनाल नियममान में न चला

१६सेहे लागिन खाएक पीएक केर वस्तुमान अथवा परब, नौतून चाँद केर परब, या सब्त केर दिनमान के लेईके केहो तोहरे केर आलोचना न करोक। १७ई तो, जेसोउब बात आवेक वाला आहे, उमान केर छाया हेके। किन्तु ई छाया केर वास्तविक काया तो मसीह केरे हेके। १८कोनो व्यक्ति जे अपन के नम्र करेक केर काम या सोरगदतमान केर उपासना केर काममान में लगाल आहे, उके तोहरे के तोहरे केर प्रतिफल के पावेक में बाधा नी बनेक देवेक लगे। ऐसन व्यक्ति सोभे समय उ दिव्य दर्शनमान केर डींग मारते रहेना जेसोउब के उ देखे आउर अपन दुनियादारी सोच केर वजह से झूठा अभिमान से भराल रहेला। १९उ अपन के मसीह केर अधीन नी रखेला जे प्रमुख हेके जे जड़ आउर नस से समर्थित होएके सारा देह केर उपकार करेला, आउर जेकार से आध्यात्मिक विकास केर अनुभव होवेला। २०काहेकि तोहरे मसीह केर सागों मोईर चुईका आउर तोहरे के संसार केर बुनियादी शिक्षामान से छुटकारा दिलाए जाए चुईके। होले ई रकाम केर आचरण काहे कराला जैसान कि तोहरे ई दुनिया केर हेका आउर ऐसन नियममान केर पालन कराला जैसान: २१“ईके हाथ न लगावा,” “ईके न चखा” या “ईके न छुवा?” २२ई सोउब वस्तुमान तो काम में आते-आते नष्ट होए जाएक केर लागिन हेके। ऐसन आचार व्यवहारमान केर अधीनता स्वीकार कईके तो तोहरे मनुष्य केर बनाल आचार व्यवहारमान आउर शिक्षामान केर अनुसरण कराथा। २३मनमानी उपासना, अपन शरीर के प्रताड़ित करेक आउर अपन काया के कष्ट देवेक से सम्बन्धित ई नियम बुद्धि में आधारित प्रतीत

होवेला लेकिन आसल में ई मूल्यमान केर कोनो नियम नैखे। ई नियम तो आसल में आदमीमान के उमान केर पापपूर्ण मानव प्रकृति में लगाए देवेला।

मसीह में नौतून जीवन

३ काहेकि यदि तोहरे के मसीह केर सागों मोरालमान में से जिलाए के उठाल जाहे होले उसोउब वस्तुमान केर लागिन प्रयत्नशील रहा जेसोउब सोरग में आहे जहाँ परमेश्वर केर दाहिना दिगे मसीह विराजमान आहे। २सोरग केर वस्तुमान केर सम्बन्ध मेंहे सोचात रहा। भौतिक वस्तुमान केर सम्बन्ध में न सोचा। ३काहेकि तोहरे मान केर पुनरा व्यक्तित्व मोईर चुईके आउर तोहरे केर नौतून जीवन मसीह केर सागों सागों परमेश्वर में छिपाल आहे। ४जेखान मसीह, जे हमार जीवन हेके, फिर से प्रकट होई होले तोहरे भी उकार सागों उकार महिमा में प्रकट होवा। ५ईकार लागिन तोहरे में जे कुछ सांसारिक बातमान आहे, उसोउब केर अंत कईर देवा। व्यभिचार, अपवित्रता, वासना, बुरा ईच्छामान आउर लालच जे मूर्ति उपासना केरे एकटु रूप हेके, ६एहे सोउब बातमान केर कारण परमेश्वर केर क्रोध प्रकट होवेक जाथे। ७एक समय राहे जेखान तोहरे भी ऐसन काम करते करते एहे रकाम केर जीवन जीयात रहा।

८किन्तु एखान तोहरे के ई सोउब बातमान केर सागों सागों खिस, झुंझलाहट, शत्रुता, निन्दा-भाव आउर अपशब्द बोलेक से छुटकारा पाए लेवेक लगी। ९आपस में झूठ न बोला काहेकि तोहरे अपन पुनरा व्यक्तित्व के उकार काम सहित उतराए फेईका। १०आउर नौतून व्यक्तित्व के धारण कईर लेईहा जे अपन रचयिता केर स्वरूप में स्थित होएके परमेश्वर केर सम्पूर्ण ज्ञान केर निमित्त निरन्तर नौतून होते जाथे। ११परिणामस्वरूप हुवाँ यहूदी आउर गैर यहूदी में कोनो अन्तर नी रई जाएहे, न कोनो खतना युक्त आउर खतना रहित में, न कोनो असभ्य आउर बर्बर^b में, न दास आउर एकड़न स्वतन्त्र व्यक्ति में कोनो अन्तर आहे। मसीह सर्वेसर्वा हेके आउर सोउब विश्वासिमान में उकरे निवास आहे।

तोहरे केर नौतून जीवन एक दोसरे केर लागिन

१२काहेकि तोहरे परमेश्वर केर चुनाल पवित्र आउर

^a ३:६ पद ६ कोनो यूनानी प्रतिमान में ई शब्द जोड़ाल जाहे: “उमान में जेमान आज्ञा के नी मानेना।”

^b ३:११ बर्बर शाब्दिक सिधियन, ई मान बड़ा जंगली आउर असभ्य समझाल जात रहँए।

प्रियजन हेका ईकार लागिन सहानुभूति, दया, नम्रता, कोमलता आउर धीरज के धारण करा। १^३तोहरे केर आपस में जेखान भी केकरों से कोनो कष्ट होई होले एक दोसरे के सहन कईर लेवा आउर परस्पर एक दोसरे के मुक्त भाव से क्षमा कईर देवा। तोहरे आपस में एक दोसरे के एसानेहे क्षमा कईर देवेक लगे जैसान परमेश्वर तोहरे के मुक्त भाव से क्षमा कईर देलाक। १^४सोउब बातमान केर अतिरिक्त प्रेम के धारण करा। प्रेम हे सोउब के आपस में बाँधेला आउर परिपूर्ण करेला। १^५तोहरे केर मन में मसीह से प्राप्त होवेक वाला शांति केर शासन होक। ईकरे लागिन तोहरे के उ एक देह^१ में बोलाल जाहे। सोभे समय धन्यवाद करते रहा।

१^६अपन सम्पन्नता केर सागें मसीह केर संदेश तोहरे में वास करोक। भजनमान, स्तुतिमान आउर आतमा केर गीतमान के गीताते बड़ा विवेक केर सागें एक दोसरा के शिक्षा आउर निर्देश देते रहा। परमेश्वर के मन ही मन धन्यवाद देते देते गीताते रहा। १^७आउर तोहरे जे कुछ भी करबा या कहबा, उ सोउब प्रभु यीशु केर नाम में होक। उकरे द्वारा तोहरे हर समय परम पिता परमेश्वर के धन्यवाद देते रहा।

नौतून जीवन केर नियम

१^८हे पतिमान, अपन पतिमान केर प्रति उ रकाम समर्पित रहा जैसान प्रभु केर अनुयायिमान के शोभेला।

१^९हे पतिमान, अपन पतिमान के प्रेम करा, उमान केर प्रति कठोर न बना।

२^०हे छौवामान, सोउब बातमान में अपन माँए बाप केर आज्ञा के पालन करा। काहेकि प्रभु केर अनुयायिमान केर ई व्यवहार से परमेश्वर खुश होवेला।

२^१हे बापमान, अपन छौवामान के कड़वाहट से न भरा। कहीं एसान न होक कि उमान जतन करेक हे छोईड देबाँए।

२^२हे सेवकमान, अपन सांसारिक मालिकमान केर सोउब बातमान केर पालन करा। केवल आदमीमान के खुश करेक केर लागिन उ समय भईर नई जेखान उमान देखात रहबाँए, लेकिन सच्चा मन से उमान के माना। काहेकि तोहरे प्रभु केर आदर कराला। २^३तोहरे जे कुछ करबा अपन समूचा मन से करबा। माना कि तोहरे उके आदमीमान केर लागिन नई लेकिन प्रभु केर लागिन कराथा। २^४याईद रखा कि तोहरे के प्रभु से उत्तराधिकार

v ३:१५ देह मसीह केर आत्मिक शरीर अर्थात् उकार कलीसिया अथवा उकार आदमी।

केर प्रतिफल प्राप्त होई। अपन स्वामी मसीह केर सेवा करते रहा २^५काहेकि जे बुरा काम करी, उके उकार फल मिली आउर उकार में कोनो पक्षपात नैखे।

४^१हे मालिकमान, तोहरे अपन सेवकमान के जेठु उमान केर बनेला आउर उचित हेके, देवा। याईद रखा सोरग में तोहरे केर भी कियो मालिक आहे।

पौलुस केर मसीहिमान केर लागिन सलाह

१^२प्रार्थना में सोभे समय लईग रहा। आउर जेखान तोहरे प्रार्थना करबा होले सोभे समय परमेश्वर के धन्यवाद करते रहबा। २^३सागें सागें हमार लागिन भी प्रार्थना करबा कि परमेश्वर हमरे के अपने संदेश केर प्रचार केर तथा मसीह से सम्बन्धित रहस्यपूर्ण सच्चाई केर प्रवचन केर अवसर प्रदान करोक काहेकि ईकरे कारण हे मोंय बन्दीगृह में आहों। २^४प्रार्थना करा कि मोंय ईके एसान स्पष्टता के साथ बताएक पारबों जैसान मोंय बताएक लगी।

२^५बाहिरे केर आदमीमान केर सागें विवेकपूर्ण व्यवहार करा। हर अवसर केर पूरा-पूरा उपयोग करा। २^६तोहरे केर बोली सोभे समय मीठा रहोक आउर उकार से बुद्धि केर छटा बिखरोक ताकि तोहरे जाईन लेवा कि कोनो व्यक्ति के कैसान उत्तर देवेक लगी।

पौलुस केर साथिमान केर समाचार

२^७हमार प्रिय भाई तुखिकुस जे एकझन विश्वासी सेवक आउर प्रभु में स्थित साथी दास हेके, तोहरे के मोर सोभे समाचार बताए देई। २^८मोंय उके तोहार टिन ईकार लागिन भेजाथों कि तोहरे उकार से हमार हालचाल केर पता चईल जाओक उ तोहरे केर हृदयमान के प्रोत्साहित करी। २^९मोंय अपन विश्वासी तथा प्रिय भाई उनेसिमस के भी उकार सागें भेजाथों जे तोहरे में से एकझन हेके। उमान, हियाँ जे कुछ घटाथे, उसोउब के तोहरे के बताबाँए।

२^{१०}अरिस्तरखुस के जे बन्दीगृह में मोर सागें रहे तथा बरनाबास केर भाई मरकुस केर तोहरे के नमस्कार, (उकार विषय में तोहरे निर्देश पाए चुईका कि यदि उ तोहरे टिन आवी होले उकार स्वागत करबा), २^{११}यूसतुस कहलाएक वाला यीशु केर भी तोहरे के नमस्कार पहुँचोक। यहूदी विश्वासिमान में बस येहे परमेश्वर केर राईज केर लागिन मोर सागें काम कराथे। ईठु मोर लागिन आनन्द केर कारण हेके।

२^{१२}ईपफ्रास केर भी तोहरे के नमस्कार पहुँचोक। उ तोहरे में से एकझन हेके आउर मसीह यीशु केर सेवक हेके। उ सोभे समय बड़ा वेदना केर सागें तोहरे केर लागिन

लगनपूर्वक प्रार्थना करते रहेला कि तोहरे आध्यात्मिक रूप से सम्पूर्ण बनेक केर लागिन विकास करते रहा। तथा विश्वासपूर्वक परमेश्वर केर ईच्छा केर अनुकूल बईन रहा। १३मोय ईकार साक्षी हेकों कि उ तोहरे केर लागिन आउर लौदीकिया तथा हियरापुलिस केर रहेक वालामान केर लागिन सोभे समय कड़ा परिश्रम करते रहेला। १४प्रिय वैद्य लूका तथा देमास तोहरे के नमस्कार भेजाथौं।

१५लौदीकिया में रहेक वाला भाईमान के तथा नमुफास आउर उ कलीसिया के जेमान उकार घर में जुटेना, नमस्कार पहुँचोक। १६आउर देखा,चिट्ठी जेखान

तोहरे केर सम्मुख पढ़ाल जाए चुकी, सेखान ई बात केर निश्चय कईर लेवा कि ईके लौदीकिया केर कलीसिया में भी पढुवाए देवाल जाओक। आउर लौदीकिया से मोर जे चिट्ठी तोहरे के मिली, उके तोहरे भी पईढ़ लेवा। १७अखिप्पुस से कहबा कि ई ई बात केर ध्यान रखोक कि प्रभु में जे सेवा उके सौंपाल जाहे, उ उके निश्चय केर सागें पूरा करोक।

१८मोय पौलुस निजे अपन हाथ से ई नमस्कार लिखाथौं। याईद रखबा मोय कारागार में आहों, परमेश्वर केर अनुग्रह तोहरे केर सागें रहोक।